

公開組

冠軍 ◆

叻丕府問道妙見長老

王維偉

雲山迢遞繞王城，
九轉猶尋故道行。
夢裡花飛空寂寞，
座前月照自澄明。
霜風往復松依舊，
星斗流移鶴未驚。
異日何須重叩問，
已知散聚即生生。

評語：於虛實意象勾勒中，寫出悟道境界，有目擊道存之妙。

亞軍 ◆

觀湖山圖

黃山河

新晴春色柳邊湖，
拄杖徐行興味殊。
鷗首餘波分菡萏，
漁人漏網聚鵝鵝。
耽禪似覺晨鐘度，
病酒不聞林鳥呼。
莫笑留連臥遊客，
輞川如入已忘吾。

評語：寫觀圖感受，能入乎其內，復能出乎其外，確是題畫之作。

季軍 ◆

月背取壤壯歌

白雲階

重霄再赴壯鴻征，
月背新開不夜明。
壤取玄淵完聖策，
舟穿浩宇續龍盟。
精規晷度星河澈，
敢破瑤局桂魄清。
九域同瞻天闕啟，
扶搖直上八紘成。

評語：筆下意象壯闊，想像出奇，氣魄亦宏大。

優異獎

南國丹霞山咏

文仲義

紅巖錯落千姿韻，
萬古奇觀世立名。
陽石衝天摩斗宿，
錦江飄筏渡蓬瀛。
雲浮赤壁衣裝碧，
日照丹崖畫藝精。
客醉峰林湖水潤，
不知身在太虛行。

評語：能觀景有悟，並寫出丹霞山風貌特色。

山行值霧

王錦洪

八仙嶺上覓蓬壺，
曉霧迷蹤氣候殊。
風景舊諳全仿佛，
山川遠望半模糊。
飄飄似入劉晨境，
黯黯疑臨阮籍途。
唯有多情枝上鳥，
啁啾還向故人呼。

評語：寫景虛實變換，意境營構見匠心。

夜泊姑蘇懷古

李天驕

孤舟夜泊水煙橫，
燈火蕭疏客夢驚。
吳苑春殘香漸遠，
寒山鐘斷月猶明。
十年舊地雲應冷，
萬里羈懷事未成。
惟有江南春不老，
柳絲依舊繫鄉情。

評語：能因景因情，抒發羈旅情懷。

破地獄

李裕韜

薤露商音噴吶鳴，
魂幡楚些景淒清。
炎光噴火陰氛淨，
卮字旋身步法輕。
瓦破九幽當解脫，
生如一夢不牽縈。
曲終舞罷紆長憾，
慎莫汎瀾愴別情。

評語：以追光躡影之筆，狀破地獄陰森之景。

清明上靈灰閣

潘金山

山閣峨峨立海隅，
清明祭掃近天都。
人燒紙燭時明滅，
夢斷音容半有無。
魂魄終難添富貴，
聲名安得辨賢愚。
仰看靈盒麻麻密，
雨散鵲啼粵嶺孤。

評語：情理交融景中，而不露愁緒，遂不落俗套。

特別獎

人工智能作詩有感

尹孝賢

憑君料理花間課，
雞犬皆能和雅鳴。
倚馬才高應不羨，
雕蟲技妙亦堪驚。
機心詎有魂難寄，
墨韻空多意未生。
但願風流傳古調，
休教詩脈盡虛情。

評語：針對潮流下筆，而能著意風雅。

登萬佛寺

劉樹仁

雲開佛塔見分明，
石徑彎彎帶露行。
竹影掃階塵自去，
鐘聲渡水客來迎。
求籤只為兒孫健，
合掌非關利祿名。
莫笑燒香多老嫗，
紅塵有願總須傾。

評語：一篇包攬出世入世，寫出人情之常。

*優異獎及特別獎排名按姓名筆畫序

第三十五屆全港詩詞創作比賽

律詩

得獎作品

第三十五屆全港詩詞創作比賽——律詩

香港公共圖書館自一九九一年起舉辦「全港詩詞創作比賽」，單年比詩，雙年比詞，旨在提高市民的中國語文運用和韻文欣賞能力。今年舉辦的「第三十五屆全港詩詞創作比賽」已是第十八年比試律詩。評審委員有何文匯教授、陳煒舜教授、黃坤堯教授和劉衛林教授。

比賽分為學生組和公開組，題材由參賽者自定，五言或七言律詩不拘，用韻則限「七虞」及「八庚」二韻。今屆比賽反應非常踴躍，共收到八百多份參賽作品。學生組參賽者來自各大專院校及中學，而公開組參賽者則來自社會不同階層。今屆參賽作品水準甚高，評審委員經初選、複選和反覆討論，才能決定名次。為確保評選公正，整個評審過程以糊名方式進行。評判團亦約見入選的學生組參賽者，並請他們即席創作對聯，最終才選出優勝作品。

學生組

冠軍

登香港天際一百有感

陳翊心 香港珠海學院

危閣倚天隅，
雲開萬象殊。
車流時蟻聚，
舟影漫鳬趨。
浪疊千鱗白，
霞傾半海朱。
身微同芥子，
爭競在塵途。

評語：穩重雍容，布置有度，結語饒有餘味。

亞軍

題釣魚翁

丁依炫 香港中文大學

清水灣前鷗鳥鳴，
釣魚翁上勢崢嶸。
涵虛一色雲舒卷，
凝靄千重舸晦明。
亂石拍濤飛白沫，
長風搖樹舞紅英。
海山勝景憑誰會，
絕頂高攀激壯情。

評語：描繪生動有力，足以激勵壯懷。

季軍

天壇大佛

雷慧茵 香港中文大學

春來遣興知何去，
三五黃牛伏草迎。
石級高攀心忐忑，
蓮台仰望目澄明。
登壇禮佛生宏願，
合掌垂眸感眾生。
回首峰巒青未染，
渾同萬物共忘名。

評語：中心空闊，筆亦隨之，結語尤能感人。

優異獎

春遊聚星樓

朱佩茵 香港中文大學

春風澹蕩伴郊行，
百載星樓慕遠聲。
近見浮雲環閣頂，
遙觀暮色入邊城。
璇璣列宿宏仁道，
玉斗垂輝護雋英。
倚塔憑欄思往事，
詩書勤勉立功名。

評語：思前賢之功業，勉來者以勤勞。

過積存園

吳琦琦 香港中文大學

又到大園何所見，
樓高雲際暗心驚。
人車不讓猶爭路，
店肆相連鬥賣聲。
冷落舊街尋古屋，
縱橫新代戀繁城。
老榕樹下侯王廟，
窮巷誰來守故情。

評語：今昔對比強烈，感慨隨之。

訪春

陳立心 香港中文大學

露重苔痕侵古道，
好風吹送倍怡情。
媚津霧壓春潮急，
錦嶂屏開蒼色橫。
靜看欲尋脩竹約，
獨遊空憶夢川行。
山花落盡人閑處，
且待幽香共月生。

評語：孤寂中見生意，結語尤好。

眼鏡

陳韋杰 中華基督教會銘賢書院

子美老來看不清，
願呈晶鏡使分明。
書中蟻字忽為顯，
檻外山形乍向橫。
恐墮鼻樑頻托舉，
長懸耳朵苦支撐。
蒙塵數日隨然棄，
枯眼猶難察世情。

評語：諧謔多趣，善言人所欲言者。

冬霖夜思

譚非池 香港恒生大學

衾冷偏驚急雨呼，
推窗寒氣透肌膚。
千街水激鼉紋亂，
萬瓦珠跳虬箭枯。
轍涸徒聞龍伯歎，
途窮空展禹王圖。
天公若卹蒼生苦，
莫遣銀潢瀉九衢。

評語：能思玄遠，亦憫蒼生。